

তফসিল “খ”
মাসিক মজুরীর হার

ক্রমিক নং	শ্রমিক পদবিন্যাস ও শ্রেণিবিভাগ	মাসিক মূল মজুরী (টাকা)	বাড়ী ভাড়া ভাতা (টাকা) (মূল মজুরীর ৫০%)	চিকিৎসা ভাতা (টাকা)	যাতায়াত ভাতা (টাকা)	খাদ্য ভাতা (টাকা)	সর্বমোট মজুরী (টাকা)
(১)	(২)	(৩)	(৪)	(৫)	(৬)	(৭)	(৮)
১।	গ্রেড-১ : ১। স্টোর কিপার ২। উচ্চমান সহকারী ৩। সিনিয়র ফায়ারম্যান	৮১৫০/-	৪০৭৫/-	৬০০/-	৩৫০/-	৯০০/-	১৪০৭৫/-
২।	গ্রেড-২ : ১। হিসাব সহকারী ২। স্টোর সহকারী ৩। ক্যাশিয়ার ৪। নার্স/মেডিক্যাল সহকারী ৫। কম্পিউটার অপারেটর ৬। ড্রাইভার (হেভি লাইসেন্স প্রাপ্ত) ৭। ইমপোর্ট সহকারী/ এক্সপোর্ট সহকারী ৮। ফায়ারম্যান ৯। সিনিয়র বয়লার অপারেটর ১০। সিনিয়র ইটিপি অপারেটর ১১। সিনিয়র ডব্লিউটিপি অপারেটর ১২। সিনিয়র জেনারেটর অপারেটর ১৩। সিনিয়র লিফট অপারেটর ১৪। সিনিয়র এসি অপারেটর	৬৩০০/-	৩১৫০/-	৬০০/-	৩৫০/-	৯০০/-	১১৩০০/-

(১)	(২)	(৩)	(৪)	(৫)	(৬)	(৭)	(৮)
৩।	গ্রেড-৩ : ১। ক্লার্ক/অফিস সহকারী/ ক্যাশ সহকারী ২। টেলিফোন অপারেটর/ ডাটা এন্ট্রি অপারেটর/ জুনিয়র কম্পিউটার অপারেটর ৩। টাইম কিপার ৪। কেয়ার টেকার ৫। সিকিউরিটি গার্ড ৬। ড্রাইভার (লাইট ও মিডিয়াম লাইসেন্স প্রাপ্ত) ৭। বেবি সিটার/শিশু পরিচর্যাকারী ৮। ফটোকপি মেশিন অপারেটর ৯। বয়লার অপারেটর/ পাম্প অপারেটর ১০। ইটিপি অপারেটর ১১। ডব্লিউটিপি অপারেটর ১২। জেনারেটর অপারেটর/ কমপ্রেসার অপারেটর ১৩। লিফট অপারেটর ১৪। এসি অপারেটর ১৫। প্রোডাকশন রিপোর্টার	৫৯৫০/-	২৯৭৫/-	৬০০/-	৩৫০/-	৯০০/-	১০৭৭৫/-
৪।	গ্রেড-৪ : ১। পিয়ন ২। কুক ৩। দারওয়ান/চেকার/ লোডার ৪। সুইপার/ক্লিনার ৫। গার্ডেনার/টিবয়/ ক্যান্টিনবয়	৪৩৫০/-	২১৭৫/-	৬০০/-	৩৫০/-	৯০০/-	৮৩৭৫/-

(১)	(২)	(৩)	(৪)	(৫)	(৬)	(৭)	(৮)
	৬। আয়া/বুয়া						
	৭। ড্রাইভার সহকারী						
	৮। জুনিয়র সিকিউরিটি গার্ড						
	৯। সহকারী বয়লার অপারেটর/সহকারী পাম্প অপারেটর						
	১০। সহকারী ইটিপি অপারেটর						
	১১। সহকারী ডব্লিউটিপি অপারেটর						
	১২। সহকারী জেনারেটর অপারেটর/সহকারী কমপ্রেসার অপারেটর						
	১৩। সহকারী লিফট অপারেটর						
	১৪। সহকারী এসি অপারেটর						
	১৫। সহকারী প্রোডাকশন রিপোর্টার						

• শিক্ষানবিশ শ্রমিকের ক্ষেত্রে :

- (ক) শিক্ষানবিশিকাল ৬ (ছয়) মাস;
- (খ) শিক্ষানবিশিকালে শিক্ষানবিশ শ্রমিক মাসিক সর্বসাকুল্যে ৬,১৬৪/- (ছয় হাজার একশত চৌষট্টি) টাকা প্রাপ্ত হইবেন; এবং
- (গ) শিক্ষানবিশিকাল সমাপ্ত হইবার পর শিক্ষানবিশ শ্রমিক সংশ্লিষ্ট গ্রেডের স্থায়ী শ্রমিক হিসাবে নিযুক্ত হইবেন।

শর্তাবলী :

- (১) তফসিল 'ক' ও 'খ' এ উল্লিখিত এই নিম্নতম মজুরীর হার সমগ্র বাংলাদেশের "গার্মেন্টস" শিল্প সেক্টরের জন্য প্রযোজ্য হইবে;
- (২) তফসিলে উল্লিখিত পদের অতিরিক্ত কোনো পদ উক্ত সেক্টরে সংযোজিত হইলে উহা যথাযথ শ্রেণি বা গ্রেডে অন্তর্ভুক্ত করিতে হইবে;
- (৩) তফসিলে উল্লিখিত শ্রমিক বর্তমানে যে গ্রেডে কর্মরত রহিয়াছেন সেই গ্রেডেই তাহাকে স্থলাভিষিক্ত করিয়া এই মজুরী কাঠামোর সহিত সমন্বয়পূর্বক তাহার মজুরী নির্ধারণ করিতে হইবে;
- (৪) কোনো শ্রমিকের বর্তমানে প্রাপ্ত মজুরীর সহিত এই প্রজ্ঞাপনে উল্লিখিত মজুরী যোগ করিয়া নূতনভাবে মজুরী নির্ধারণ করিতে হইবে;
- (৫) কোনো শ্রমিককে তফসিলে উল্লিখিত নিম্নতম মজুরী বা গ্রেড অপেক্ষা কম মজুরী বা গ্রেড প্রদান করা যাইবে না;
- (৬) এই প্রজ্ঞাপন জারির সঙ্গে সঙ্গে উক্ত সেক্টরের মালিকগণ তফসিলে উল্লিখিত পদবিন্যাস ও শ্রেণি বিভাগ অনুযায়ী শ্রমিকগণকে যথাযথ গ্রেডে সন্নিবেশিত করিয়া তাহার প্রাপ্য মজুরী রেজিস্টারভুক্তকরত: মজুরী স্লিপ প্রদান করিবেন;
- (৭) উক্ত সেক্টরের কোনো শ্রমিককে এই প্রজ্ঞাপন অনুযায়ী নির্ধারিত নিম্নতম মজুরী অপেক্ষা অধিক হারে মজুরী প্রদান করা হইলে উহা কোনক্রমেই হ্রাস করা যাইবে না;
- (৮) উক্ত সেক্টরের শ্রমিকগণ এবং নিয়োগকর্তা বা মালিকপক্ষের মধ্যে সম্পাদিত চুক্তি অনুযায়ী কোনো শ্রমিককে এই প্রজ্ঞাপন অনুযায়ী নির্ধারিত হারের অধিক হারে মজুরী নির্ধারণ ও প্রদান করা যাইবে;
- (৯) কোনো শ্রমিক ঠিকাদারের মাধ্যমে উক্ত সেক্টরে নিয়োজিত হইয়া মজুরী প্রাপ্ত হইলে তিনিও বাংলাদেশ শ্রম আইন, ২০০৬ এর ধারা ২(৬৫) অনুযায়ী 'শ্রমিক' হিসাবে গণ্য হইবেন। কোনো ঠিকাদার কোনো শ্রমিককে নির্ধারিত নিম্নতম মজুরী অপেক্ষা কোনক্রমেই কম মজুরী প্রদান করিতে পারিবেন না। উক্ত সেক্টরের কোনো শ্রমিকের ঠিকাদারের নিকট হইতে প্রাপ্য মজুরী প্রাপ্তির ক্ষেত্রে কোনো সমস্যার সম্মুখীন হইলে তাহার দায়-দায়িত্ব সম্পূর্ণভাবে সংশ্লিষ্ট মালিকের উপর বর্তাইবে;
- (১০) উক্ত সেক্টরে শ্রমিক সরবরাহ বা নিয়োগের জন্য নিয়োজিত ঠিকাদার বাংলাদেশ শ্রম আইন, ২০০৬ এর ধারা ১২১, ধারা ১৫০ এবং ধারা ১৬১ এর বিধান অনুযায়ী উক্ত সেক্টরের মালিকের ন্যায় একইরূপ ব্যবস্থা গ্রহণ করিবেন;

- (১১) উক্ত সেক্টরের মালিক যদি শ্রমিককে ফুরণ ভিত্তিক (Piece Rate) মজুরী প্রদান করিয়া থাকেন, তাহা হইলে এই প্রজ্ঞাপন জারির সঙ্গে সঙ্গে উক্ত শ্রমিককে নির্দিষ্ট গ্রেডভুক্ত করিয়া নির্ধারিত নিম্নতম মজুরী প্রদান করিতে হইবে;
- (১২) নির্ধারিত নিম্নতম মজুরী ও ভাতাদি ছাড়াও যদি উক্ত সেক্টরের কোনো শ্রমিক অব্যাহতভাবে কোনো অধিকার, সুযোগ-সুবিধা ও ভাতা পাইয়া থাকেন তাহা হইলে উহা বাংলাদেশ শ্রম আইন, ২০০৬ এর ধারা ২(১০), ধারা ১০৮ এবং ধারা ৩৩৬ এর বিধান মোতাবেক ধারাবাহিকভাবে বলবৎ ও অব্যাহত থাকিবে;
- (১৩) উক্ত সেক্টরের শ্রমিকগণ প্রতি বৎসর মূল মজুরীর ৫% (শতকরা পাঁচ ভাগ হারে) বার্ষিক মজুরী বৃদ্ধির সুবিধা পাইবেন এবং সংশ্লিষ্ট মালিক উহা প্রদান করিতে বাধ্য থাকিবেন;
- (১৪) উক্ত সেক্টরে নিযুক্ত শ্রমিক বাংলাদেশ শ্রম আইন, ২০০৬ এবং বাংলাদেশ শ্রম বিধিমালা, ২০১৫ এর সংশ্লিষ্ট বিধান অনুযায়ী অন্যান্য ভাতা ও সুবিধাদি প্রাপ্য হইবেন;
- (১৫) উক্ত সেক্টরের মালিক যদি কোনো শ্রমিকের পরিবারের জন্য আবাসন সুবিধা প্রদান করিয়া থাকেন, তাহা হইলে সেইক্ষেত্রে উক্ত আবাসন সুবিধা গ্রহণকারী শ্রমিকের ক্ষেত্রে বাড়ী ভাড়া ভাতা প্রযোজ্য হইবে না;
- (১৬) শ্রমিকগণের কর্মঘণ্টা বাংলাদেশ শ্রম আইন, ২০০৬ এবং বাংলাদেশে শ্রম বিধিমালা, ২০১৫ এর সংশ্লিষ্ট ধারা ও বিধি অনুযায়ী নির্ধারিত হইবে; এবং
- (১৭) উপরোক্ত শর্তাবলীর কোনো অংশ প্রচলিত কোনো আইন বা বিধিমালা সহিত সাংঘর্ষিক হইলে, উক্ত অংশ বাতিল বলিয়া গণ্য হইবে।
- ২। এই প্রজ্ঞাপন ১৭ অগ্রহায়ণ, ১৪২৫ বঙ্গাব্দ মোতাবেক ০১ ডিসেম্বর, ২০১৮ খ্রিস্টাব্দ তারিখে কার্যকর হইবে।

রাষ্ট্রপতির আদেশক্রমে,

হামিদা চৌধুরী
যুগ্মসচিব